



藏經書院版

卍
續藏經

第 105 冊

中國撰述

戒律宗著述部

新文豐出版公司
印行

已續藏經.——臺一版.——臺北市：新文豐，[民82
-]

冊；公分

ISBN 957-17-0665-5（一套：精裝）

——ISBN 957-17-1058-x（第一〇五冊：精裝）

1.藏經

221.08

82000521

所
有



版
權

印發
刷行
所及

新文豐出版

股份
有限
公司

發行人
高本

釗

編輯者
藏經書院

新編
已續藏經
全一五一冊
第一〇五冊

精裝一冊基價一五·五五元正

中華民國八十三年八月台一版三刷

公司：臺北市雙園街九十六號
電話：三〇六〇七五七
門部：臺北市羅斯福路一段二十號八樓
電話：三五一五二九三
台北郵政三六四三信箱
登記證：局版臺業字第四〇六四九號
郵政撥：三五六八〇七六·三〇二三八七〇
傳真：三五六八〇七六·三〇二三八七〇

南無本師釋迦牟尼佛



卍續藏經第一〇五冊目錄

新文豐出版公司影印卍續藏經會編印

中國撰述 戒律宗著述部

受菩薩戒儀一卷	陳慧	思撰	0001
授菩薩戒儀一卷	唐湛	然述	0010
受菩薩戒法一卷	宋延	壽撰	0016
舍衛國祇洹寺圖經一卷	唐道	宣撰	0023
關中創立戒壇圖經一卷	唐道	宣撰	0053
律相感通傳一卷	唐道	宣撰	0079
量處輕重儀二卷	唐道	宣輯敘	0096
教誡新學比丘行護律儀一卷	唐道	宣述	0129
釋門皈敬儀護法記卷上	宋彥	起撰	0142
釋門皈敬儀通真記三卷	宋了	然述	0177
淨心誠觀法發真鈔六卷	日本慧	光合	0312

釋門章服儀應法記一卷	宋元	照述	0438
衣鉢名義章一卷	日本良	信合	0474
新受戒比丘六念五觀法一卷	宋允	堪述	0479
道具賦一卷	宋元	照撰	0483
佛制比丘六物圖一卷	宋元	照述	0485
佛制六物圖辯訛一卷	宋妙	生述	0497
三衣顯正圖一卷	宋妙	生述	0503
芝園遺編三卷	宋道	詢集	0514
芝園集二卷	宋元	照作	0577
補續芝園集一卷	日本	本輯	0606
律宗新學名句三卷	宋惟	顯編	0612
律宗問答二卷	日本俊	芳問	0684
終南家業六卷	宋瑞	然智答	0703
律宗會元三卷	宋守	技編	0805
蓬折直辨一卷	宋妙	運撰	0940

蓬折箴一卷……

宋妙

蓮撰……

0962

受菩薩戒儀

南岳沙門釋 惠思 撰

夫受大乘戒法先教請傳授菩薩戒師一人請引先
咨白後引云我某甲等今從大德求受菩薩戒願大
德於我不憚勞慈愍故三說請戒師種種爲說因緣
方便云欲求戒法者先發信心信心若成三學具足
三身四智佛果菩提決定可期更無疑慮故華嚴經
云信爲道源功德母長養一切諸善根斷除疑網出
愛河開示涅槃無上道故知若發信心必納戒法戒
爲萬行之先鋒六度之基址如造宮室先固其基徒
架虛空必不成就故戒爲大道之資糧戒爲苦海之
船筏莊嚴法身以戒爲瓔珞破除煩惱以戒爲清涼
然有多種三歸五戒得人身十善入齋生天報持十
戒具足戒出煩惱之愛河得羅漢之聖果受菩薩戒
者得於佛果梵網經云一切有心者皆應攝佛戒衆
生受佛戒得入諸佛位故知凡有心者咸具佛戒各
各圓滿無有缺減問既然如何須更受答以暫亡
故約事重明卽知全心是戒全戒是心離心無戒離

戒無心又云佛子聽欲受佛戒者國王王子百官宰
相比丘比丘尼十八梵六欲天庶民黃門姪男姪女
奴婢八部鬼神金剛神畜生乃至變化人但解法師
語盡受得戒皆名第一清淨者以戒德無量功高萬
像爲五乘之軌範作三寶之舟航大智度論云大惡
病中戒爲良藥大怖畏中戒爲守護大闇冥中戒爲
明燈諸險道中戒爲橋梁大海水中戒爲船筏薩遮
經云若不持戒尙不得野干之身何況功德之身月
燈三昧經云雖有色族及多聞若無戒智如禽獸雖
處卑下少多聞能持淨戒名勝士戒之一字是名梵
云尸羅亦云毗尼波羅提木叉等此云清涼滅三業
之過愆得解脫也今言戒者能防三惡能止三惑故
當體得名也體者初發圓心從師請受身中轉識名
爲作戒色心爲體三羯磨竟納法居懷作體謝往訖
未來名無作戒唯實相心以之爲體故瓔珞經云一
切聖凡戒盡以心爲體心無盡故戒亦無盡是知心
境契同能所冥一諸佛子等既各有好樂渴仰之心
應當慇懃志心聽受

菩薩戒有八種殊勝何等爲八

一極道勝。受菩薩戒如大鵬鳥一舉翅高飛能至十萬九千餘里。此菩薩戒趣道疾故發心越六趣二乘徑趣無上菩提。故二發心勝。一念發大悲智之心超過二乘境界。如昔有二沙彌發菩提心。阿羅漢返生恭敬擔衣幘讓路而行。等三福田勝。假使供養滿閻浮提內阿羅漢不如一大鵬鳥。此鳥先來受菩薩戒。故四功德勝。受菩薩戒喻如日光無所不照。受聲聞戒猶如螢火其光甚微不可相比。故五受罪輕微勝。受菩薩戒之後設使破戒猶勝外道不受戒者。外道邪見永沉惡道無有出期。破戒之人戒威力故設墮惡道受罪輕微。若墮地獄作獄中王。若墮畜生作畜生王。若墮鬼中作鬼中王。若在人間作人王國王。若在天中作天中王。生之處不失王位。故經云有犯名菩薩。有戒可破無犯名外道。無戒可破故六處胎勝。菩薩處胎時常爲天龍八部諸善神王之所守護。故七神通勝。能變大地爲黃金七寶。攬長河爲酥酪醍醐。能一念超百千世界。能一日化百千衆生。故八

字下
一有故

疾一作速

果報勝。生蓮華藏海證法性身一得真常永無退轉故

次觀五法

第一欲受菩薩戒者先觀十方一切衆生如聖人想。第二觀十方一切衆生如父母想。第三觀十方一切衆生如師長想。第四觀十方一切衆生如國王想。第五觀十方一切衆生如奉大家想。

次與三願

一願自己三業所作功德與十方一切衆生同共。二願我共十方一切衆生早度生死煩惱大海到涅槃彼岸。三願我與法界衆生通達十二部經文義了了分明。一切善法因戒增長具足六波羅蜜三十七品得深禪定起六神通放大光明得一切種智五眼具足成就佛道故。

次發四弘願

隨戒師三遍唱念

衆生無邊誓願度

煩惱無量誓願斷

法門無邊誓願學

佛道無上誓願成

次請戒師云我某甲等今受菩薩

字下
隨戒師

奉請釋迦牟尼佛作和尚

奉請文殊師利龍種上尊王佛作羯磨阿闍梨

奉請當來彌勒尊佛作教授阿闍梨

奉請十方現在諸佛作證戒師

奉請十方諸大菩薩作同學等侶

已上三說

我若在三惡道中受大苦惱處願和尚阿闍梨尊證

師同學等侶慈悲救度令得解脫

一說

一心奉請十方三世盡虛空遍法界一切諸佛真應

二身十二部經真如海藏諸大菩薩緣覺聲聞並願

普降道場證明受戒功德

一心奉請十方法界二十八天釋梵王等護法護戒

八部龍神並願承三寶力普降道場結淨護戒證明

功德

一心奉請十方法界六道四生閻羅天子泰山府君

天曹地府司命司祿罪福童子善惡冥官五道將軍

行病使者並願承三寶力普降道場同霑戒善證明

功德

一心奉請某州境內五嶽四瀆幽明水陸城隍社廟

同沾一作證下

一切神祇並願承三寶力普降道場同沾戒善證明功德

一心奉請十方法界十二類生一切含識在會諸多受戒先亡久近一切家神九品靈神滯魄冤魂未解

脫者並願承三寶力盡至道場同沾戒善證明功德上來既請竟應當敬禮諸佛菩薩

一心敬禮和尚釋迦牟尼佛

一心敬禮文殊師利龍種上尊王佛

一心敬禮當來下生彌勒尊佛

一心敬禮十方一切諸佛

一心敬禮盡過去際一切諸佛

一心敬禮盡未來際一切諸佛

一心敬禮盡現在際一切諸佛

一心敬禮十方三世一切諸佛

一心敬禮十方同學等侶諸大菩薩

一心敬禮三世一切諸菩薩衆

一心敬禮十方三世一切僧寶

上來禮諸佛諸菩薩竟各自胡跪受三歸依

隨戒師口高聲

導遇某甲處
各自稱名

弟子某甲等願從今身盡未來際歸依佛歸依法歸
依僧

歸依佛兩足尊歸依法離欲尊歸依僧衆中尊
已上三說

弟子某甲等從今已去歸依佛竟歸依法竟歸依僧
竟一從今已去稱佛爲師更不歸依邪魔外道唯願
說三寶慈悲攝受慈愍故三說

次問難法

問佛子汝從今已去能捨離一切惡知識否
答能向
下依此

佛子汝從今已去能常念佛親近善知識否

佛子汝從今已去乃至失命因緣能不犯戒否

佛子汝從今已去能讀誦大乘經問甚深義否

佛子汝從今已去若見一切苦惱衆生能隨力救護
否

佛子汝從今已去能於無上菩提生深信否

佛子汝從今已去能盡形壽隨力供養三寶否

佛子汝從今已去能捨諸懈怠發精進勤求佛道否

佛子汝從今已去能捨一切所有難捨能捨否

授受

於一作子

佛子汝從今已去於五塵境煩惱生時能制伏心否
如是問竟

仰啓十方一切諸佛及大地諸菩薩僧此諸佛子求
比丘某甲欲從諸佛菩薩僧乞授菩薩戒此諸佛子
已是眞實能生深信成菩提種種諸佛慈愍故施與菩
薩戒三

諸聖爲師爲證明竟十方諸佛神通道眼皆得見我
如對目前夫戒是白淨之法身器清淨乃可堪受先
須懺悔洗滌身心如浣故衣方受染色然如來示滅
向二千餘年正法沉淪邪風廣扇衆生薄福生遇此
時縱有聽聞莫能信受良由煩惱愛情重見執堅強若
不改往修來罪無由滅若罪不滅戒品不發戒品不
發解脫難期今請十方諸佛諸大菩薩爲作證明諸
佛菩薩弘誓令衆生如佛無異

弟子某甲等從某年月日於南瞻部洲某國某鄉里
某寺某受菩薩戒應教懺悔
三業語云

我某甲等從無始以來至於今日身業不善行殺盜
淫口業不善妄言綺語兩舌惡口意業不善貪瞋邪

見如是三業多作衆罪自作教他無量無邊今日慚愧發露懺悔願罪滅福生見佛聞法發菩提心說三

復告言汝已懺竟三業清淨猶如琉璃內外清淨堪受菩薩戒更問遮難方受淨戒故經云若有七遮現身不得受戒我今問汝一一如實答

佛子汝還曾出佛身血否答云無向還曾殺父否

還曾殺母否 還曾殺和尚否 還曾殺阿闍梨否

還曾破羯磨轉法輪僧否 還曾殺聖人否

若總得無堪與受戒諸諸俗弟子若男若女起披袈裟大有因果更不具述臨時爲說

也說 諸佛子應須起專注心發慙重心今欲受汝等戒若

心專志如仰完器即有所尅一念有違如同覆器終

無所盛此戒無形色而能流注汝等身心盡未來際

成就大果而於爾時無所覺知若有形色入汝身時

當作天崩地裂之聲當須繫念不得餘覺及一切餘

思惟既緣覺爲發戒

次正受戒者先略示三相三相者一謂攝律儀戒二

攝善法戒三饒益有情戒次乘法者白三羯磨應語云今爲秉

宣三回羯磨汝當發取上上心求受上上品戒上上品戒者受此戒已一心作佛去是名上上品心汝等今當諦聽第一迴羯磨時十方法界一切境上微妙戒法悉皆動轉不久應當入汝身中

佛子諦聽汝等今於我所求受菩薩戒謂攝律儀戒攝善法戒攝衆生戒佛子此戒是諸佛菩薩所行徑

路過去諸佛已說未來諸佛當說現在諸佛今說過去一切菩薩已受已學已解已行已成未來一切菩薩當受當學當解當行當成現在一切菩薩今受今

學今解今行今成當來作佛

第二迴羯磨時此妙戒法即法界諸法之上起遍虛空中集汝頂上妙可承受

佛子諦聽至當來作佛

第三迴羯磨時此妙戒法入汝身中清淨圓滿正在

此時領納戒法不得餘覺餘思令戒不圓滿

佛子諦聽至當來作佛

佛子三迴羯磨已竟汝等即今是真菩薩名眞佛子

故大悲經云發心畢竟二不別如是二心前心難壞

受戒投

珞經云律儀戒者卽是十重戒正法戒者卽是八萬四千法門攝衆生戒者卽是四攝法也向來所問皆言能吾今爲汝受十無盡戒汝當一心一一諦聽

佛子汝從今身至佛身盡未來際於其中間不得故斷衆生命若有犯殺生者非菩薩行失四十二位賢聖法不得犯能持否

答云贊持
向下依此

佛子汝從今身至佛身盡未來際於其中間不得偷盜若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得姪慾若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得妄語若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得酤酒若有犯者非菩薩行失四十二位賢聖法不得犯能持否

導一作道

佛子汝從今身至佛身盡未來際於其中間不得說在家出家菩薩過失若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得慳貪若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得瞋恚若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得稱己好導他惡若有犯者非菩薩行失四十二位賢聖法不得犯能持否

佛子汝從今身至佛身盡未來際於其中間不得毀謗三寶若有犯者非菩薩行失四十二位賢聖法不得犯能持否

佛子汝持如此十重戒卽具足十波羅蜜成就佛身具足功德得大神通放大光明得一切種智何以故汝持不殺戒得金剛身不可壞壽命無量劫不可窮

此一作是○
即下有是字

戒下一有不
得二字
及下一有作
字

盡

持不盜戒。具足檀波羅蜜。分身滿十方界。作釋梵四

天王及諸小王沙門等身。財施度脫衆生。

持不姪戒。得馬陰藏相金色之身。衆生見者怖畏。即

除捨欲斷煩惱。名稱普聞。聞者歡喜。

持不妄語戒。得四無礙辯。法無礙辯。義無礙辯。詞無

礙辯。樂說無礙辯。一音演說。衆生聞者皆得解脫。

持不酤酒戒。得大聰明。於一念中聞十方諸佛語。及

一切衆生語。亦知佛心。及一切衆生心得。諸佛集三

昧

持不說在家出家菩薩罪過戒。得漏盡五眼六通。備

三明等法。

持不慳貪戒。得一切種智。具足無礙。衆生見者無不

發心。

持不瞋恚戒。得三十二相八十種好。衆生見者發菩

提心。

持不自讚毀他戒。得生生之處。十方凡聖歡喜讚嘆。

聞汝名者。皆住不退轉地。

大元一作某

持不毀謗三寶戒。得具足三乘聖道。一音說法。聲滿

十方。令一切衆生一時悟道。皆得成佛。諸戒師爲受戒者作白云

仰啓十方盡虛空界一切諸佛。於此世界南瞻部洲

大元國某州某縣某鄉里某處。伽藍佛像前有衆多

弟子。來於我所。求受菩薩戒。竟惟願諸佛爲作證明

二遍

諸佛。子即今十方佛土。或有涼風。異香。異聲。光明等

相。彼諸菩薩觀其異相。而各問佛。有何因緣。而現此

瑞。彼佛告之。今某國某處有衆多佛子。於某師求受

菩薩戒。竟今請我作證明。故有此相。諸菩薩咸讚言。

於此極惡世界。能發如是無上之心。甚爲希有。深生

怜愍。是故汝等志心守護。汝諸佛子。已受菩薩戒。竟

過度四魔。越三界苦。若能受持如教修行。是天人丈

夫。汝若破犯。不持非菩薩。亦非天人丈夫。是名畜生

邪見。外道。此戒名無盡。唯得重受。不可捨。暫度一切

衆生。衆生無盡。此戒無盡。說法劫數不可盡。故此戒

無盡。瓔珞經云。一切凡聖菩薩戒。皆以心爲體。心無

盡。故戒亦無盡。

次當禮謝諸佛菩薩

志心敬禮和尚釋迦牟尼佛

志心敬禮羯磨阿闍梨龍種上尊王佛

志心敬禮教授阿闍梨彌勒尊佛

志心敬禮證戒尊師十方諸佛

志心敬禮同學等侶十方諸大菩薩

次更胡跪合掌菩薩戒經云受菩薩戒者雖未即得

阿耨三菩提已得具是五事功德一者常爲諸佛菩

薩之所護念二者生生世世常受勝妙快樂三者臨

命終無有悔欲四者捨身之後生諸佛世界五者莊

嚴阿耨多羅三藐三菩提

諸善男子善女人等吾今已爲說無盡戒竟汝今受

無盡戒法已竟是真菩薩發菩提心真是佛子從佛

口生從正法生戒行具足正向佛道超度四魔越三

界苦是真精進是真勇猛是真迴向佛道是真度衆

生以此受戒功德果報生生世世不求粟散小王轉

輪聖王釋梵天王三界之樂若能如是受持如說修

行者是名菩薩天人丈夫用此功德迴向十方法界

然一作放

八上一本有
三續二字

應一作忘

衆生同趣菩提俱成佛道若破戒不持即非菩薩亦

非天人文夫是名外道當墮三塗八難之處然願受

戒諸佛子九代亡靈同生淨土六親眷愛咸長善芽

九有四生悉證眞如之理八難俱登解脫之門八部

龍天滿空寶聖咸赴勝會三塗同結良緣負識含靈

齊成佛道

諸佛子等願受此戒後此身在法界凡有心者見我

與汝泊在會諸菩薩皆發無上菩提之心乃至山河

大地草木叢林亦發此心念念無有間斷直至成佛

究竟圓滿未發心者現恐怖相逼令發心終登覺岸

諸佛子等受此戒後此身遍法界中盡未來際於四

威儀中常說心地法門乃至應身爲旁生異類及樹

木山林常演此法念念不絕震動魔宮摧伏外道令

一切邪見衆生捨諸邪著入於正見得旨應言普令

一切衆生悉入圓常唯心境界遞相傳受無有間斷

令一體三寶常現世間然願此身常弘大教解義釋

經稱可佛心冥合玄旨如有世諦語言皆順正法治

生產業悉入圓宗建大法幢續佛慧命一燈能傳百

千燈燈燈無盡。普令聞者。頓了自心。登究竟解脫之門。入靈知般若之海。然後法界一切含識。稱我名者。見我形者。皆住本位。不退眞常。應跡十方。火不能燒。水不能溺。藥不能中毒。害橫不能侵害。冤不能結。所有盲者。得見。聾者。得聞。癡者。能言。跛者。能行。然後此身變作無量。身遍歷十方。侍奉諸佛。供養諸佛。然後以此身向鑊湯爐炭之中。代一切衆生受苦。或向獄門振錫。或於獄裡放光。劍樹摧鋒。刀山落刃。各悔先業。盡悟佛乘。戒文已終。普請在會男子弟子。同誠念摩訶般若波羅蜜。願得如所願。

受菩薩戒法終

授菩薩戒儀

天台沙門 湛然 述

依古德及梵網瓔珞地持并高昌等文授菩薩戒行事之儀略爲十二門雖不專依一家併不違聖教

第一開導 第二三歸 第三請師

第四懺悔 第五發心 第六問遮

第七授戒 第八證明 第九現相

第十說相 第十一廣願 第十二勸持

第一開導者應先問言欲受何戒佛法大海深廣無涯唯信能入由有信故三學可成菩提可至故三學中以戒爲首菩提廣路戒爲資糧生死大海戒爲船筏三途重病戒爲良藥戒有多種五八十具菩薩律儀五戒報人八十報天出家大戒感小解脫三明六通無餘永寂菩薩律儀八萬細行報得佛果三身四德相好不共一切功德今既不求人天小果唯欲專求無上菩提須具六法方得戒一者能授人謂能授戒者須預知頒類及以人數於中幾許中國邊方餘道雜類雖得人身無有安樂八苦交逼四地鏡煎四

大危脆念念不住六賊爭驅新新生滅設雖受餘戒報人天不免沈沒二乘小果永住涅槃故須虔誠誓求極果二者所依處先須諮白無內外障安置壇場莊嚴清淨皆令地鋪使受者安穩三者高座秉法四者專求大道五者生希有心如貧如飢如病如怖得實得食得醫得安不生一念散亂之心若無懇誠徒勞彼此六者專爲利他求戒以菩薩發心利物爲本發大勇猛不惜身命誓與衆生同入眞如法界大海第二三歸者應教而言弟子^{某甲}願從今身盡未來際歸依佛兩足尊歸依法離欲尊歸依僧衆中尊^{說三弟}子^{某甲}等從今身盡未來際歸依佛竟歸依法竟歸依僧竟^{說三}從今已往歸佛爲師更不歸餘邪魔外道唯願三寶慈悲攝受慈愍故^{應須廣明一體三寶爲所依境復知此境有別相住持等用之也}

第三請師者唯令自陳恐汝不解我今教汝我^{某甲}等今從大德求受菩薩戒大德於我不憚勞苦慈愍故此但是請傳教之師次請衆聖爲授戒師先請和上詞云弟子^{某甲}等奉請釋迦如來應正等覺爲我和上